

# سيجعل لهم الرحمن ودا | الحلقة ( 51 ) | #كأنك\_تراه | د.

## حازم شومان

حازم شومان

السلام عليكم ورحمة الله وبركاته. الحمد لله وكفى وصلة وسلاما على عباده الذين اصطفى. اما بعد كنا مرة قاعدين يا جماعة مجموعة من الاخوة مع بعض كده فواحد مننا بيقول انا اعرف واحد غني بيطلع كل يوم تسعين الف جنيه لله - 00:00:00 تسعين الف جنيه بيدعم بهم الناس كده. فانا فاكر الانبهار اللي حصل بين الناس اللي قاعدة واحد قال هو فين الرجال ده ؟ ده انا نفسی اتجوز. واحد قال ده انا عندي مشكلة. واحد - 00:00:30

دال انا نفسی اتعرف عليه. عارفين يا جماعة الواحد فكر في ايه ؟ قلت سبحان الله. الرجال دا بيطلع تسعين الف جنيه كل يوم لناس ما يعرفهاش. ما بيحبهاش. ما فيش - 00:00:40

علاقة عاطفية بينها وبينهم. امال الرجال ده بيدي ايه لولاده ؟ او مال الرجال ده بيدي ايه لحبابيه ؟ اذا كان ده كرمه على اللي ما يعرفوش وما ما يحبوش. امال كرمه على احبابه سيجعل لهم الرحمن ودا. سيعمل لهم الرحمن ودا يا جماعة. هو دا المعنى - 00:00:50

احنا هنعيش معه في هذه الحلقة باذن الله سبحانه وتعالى. الحاجة اللي انا عايز ناخذ بالنا منها الاول ان مش سيجعل لهم الله ودا. الرحمن دا اللي غرق الناس رحمات مسلم وكافر طائع وعاصي. صغير وكبير. اللي رحمته غرفت الدنيا كلها. امال هي عمل ايه لحبابيه ؟ امال ربنا هي عمل - 00:01:10

الحبيب لما هيدي لحبابيه بقى هيدي ايه ؟ اللي ادى بيل جيتس وادا لكل اللي ادى للكفار مليارات. اللي ادى للدنيا للمسلم والكافر مليارات. امال هيدي لحبابيه ايه ؟ سيجعل لهم الرحمن ودا. لما ام هندية بتتحب اولادها اتولد لها طفلين عمي - 00:01:30 اتبرعت بالقرنية بتاعة عينيها اللاتنين تعيش عميا وهم يشوفوا يتزرع لهم قرنية. اذا كان ده المخلوق لما يحب. او مال الخالق لما بيحب يعمل ايه تعالوا نعيش في جنة قول الله سيجعل لهم الرحمن ودا - 00:01:50

سيجعل لهم الرحمن ودا. حلقة النهاردة يا جماعة كلها حوالين كلمة واحدة بس. ود انا مش هاتكلم النهاردة مازا لو احبك الله ؟ مازا لو احبك الله ؟ انا هاتكلم بس عن معنى كلمة ود. عطاء واحد من عطاءات حب الله سبحانه وتعالى. يعني ايه - 00:02:10 واحد حبا في قلوب الناس لك. تعالوا يا جماعة نتهر بمازا لو احبنا الله. ربنا لما بيحب بيعمل ايه لحبابيه في كلمة خد بس واحد حب في قلوب الناس لك. شوفوا في الاثر المنسوب الى الله سبحانه وتعالى. ما اقبل علي عبد بقلبي اقبل - 00:02:30

علي زي بالزبط كده لما انت ماشي تلاقي ميت واحد واقفين تسيبهم كلهم وتجري على واحد بس بعينه. تجري عليه هو تسيب الدنيا كلها وتجري عليه. ما اقبل علي عبد بقلبي جاء مقبلا بقلبه على الله. الا اقبلت عليه بقلوب الناس اجمعين - 00:02:50 قلوب الناس اجمعين. الحكم لما بينزل الانتخابات بيأخذ خمسين في المية وستين في المية. ده لو نزل الانتخابات يأخذ مية في المية. الناس كلها بتتحب. الناس كلها بتتحب من قلبها بلا اسباب. الا طب ربنا ادى له قلوب الناس ليه ؟ ادى له قلوب الناس لانه ادى لربنا قلبه اللي لا يملك غيره. فربنا ادى له قلب البشرية - 00:03:10

كلها لانه صفر ربنا قلب واحد قلبه هو. فربنا صفى له قلوب الناس كلها. ياه يا جماعة! طب ده ربنا بيدي له حب الناس في الارض! طب شوفوا بقى في السماء بقى الحديث عن النبي عليه الصلاة والسلام. ان الله اذا احب عبدا نادى في السماء السماوية مفتوحة قدام

الوقت - 00:03:30

بصوا يا جماعة المنزري خلخ القلب. لو انت سمعت ربنا بينادي في السما انه بيحبك. قلبك هبتخلع. هتموت انت ساعتها. نادى في السماء والله المسلح الاعلى الاب لما بيحب ابنه ونفسه الناس كلها تحب ابنه. شاب بيحب لما بيحب عايز يقول للدنيا كلها انا باحب يا ناس. ان الله - 00:03:50

و اذا احباب عبدا نادى في السماء اني احباب فلان. فلان ده اتشهر في السماء كلها. فيحبه اهل السماء. ثم وضع له القبول في الارض. يعني لو اشتغلت في الدعوة او اشتغلت في الدعوة بعدها ربنا يكتب لدعوك قبول رهيب. سيجعل لهم الرحمن ودا. حب من - 00:04:10 غير اسباب تمشي في الشرق تلاقي الناس بتحبك تمشي في الغرب تلاقي الناس بتحبك. تبقى كانك بتستحم في نهر من الحب. لانك سلمت لربنا قلبك. لانك حبيت ربنا ربنا يديك ود مع زوجتك ود مع ولادك ود مع اصحابك. عرفتكم الود غاب من البيوت ليه؟ لان الود غاب ما بينا وما بين ربنا يا جماعة - 00:04:30

ده اول عطاء. حب من قلوب الناس لك. العطاء الثاني الانس في الحياة. العطاء الثاني ده مهول يا جماعة. يعني ايه انس في الحياة؟ الحياة مخيفة. الحياة مليانة كان في ناس كتير جدا بتخاف من السفر تخاف انها تساور لوحدها. تخاف انها تسكن في بلد غريبة لوحدها. تخاف من الوحدة. في واحد كان مسافر يحج مع الناس - 00:04:50

اول ما نزل السعودية صرخ عايز ايه؟ انا مش هاعرف انام. رجعني بيتي، رجعني بلدي، ما اعرفش انام غير على مخدتي. بالعاافية وبالاقناع عما اقعنوه هو ممكن ينام في الغربة. سيدنا زكريا بيقول ولم اكن بدعائك ربى شفيا. يعني الدنيا دي غابة. لولا اتصالي بك يا رب انا كنت شقيت في الدنيا - 00:05:10

في وسط الغربة والوحشة دي ربنا يديك انس به. ونس بربنا سبحانه وتعالى. ابن تيمية ابن تيمية كان بيقول مازا يفعل اعدائي بي. ان خلوة سجن خلوة. يا ابن تيمية ده السجن ده عقوبة مش خلوة. يا ابن تيمية ده لما بيحبوه ينكلوا بمسجون بيقولوا له هنحبسك حبس انفرادي. الحبس - 00:05:30

انفرادي كان اعزم فترة في حياة ابن تيمية. لدرجة بعد سنوات من الحبس قال لو اعطيتهم ملة هذه القلعة ذهبا مكافأة على ما فعلوه لي ما كافتهم عليهم. على السجن لانه خلوة مع الله. هيديك انس في الحياة. تتحرك في الحياة وانت حاسس ان معية ربنا - 00:05:50

مخلياك مطمئن في كل مكان في الحياة. رقم ثلاثة فرحة في الحياة. فرحة ربنا اللي ربنا اللي بيعبه بيوده بيخلி حياته فرحة وموته فرحة وقبره فرحة ويوم القيمة فرحة بيخلி قلبه فرحان في الدنيا ليه؟ لان الناس كلها فرحانة بايه؟ دي فرحانة بطقم جديد وده - 00:06:10

فرحان بعلقة جديدة مع بنت وده فرحان بقناة كليبات جديدة وده فرحان بمستر ودي فرحان بدكتوراة وده فرحان ببورد امريكي ودي فرحانة بزمالة بريطانية وده فرحان بصفقة جديدة ودي فرحانة انه يتقدم لها عريس وده فرحان بربنا. وده كل فرحته بالله لوحده. ربنا هو فرحته في الحياة - 00:06:32

ربنا يفرحه احد اخوانى يعني كان عنده عقم وقعد سنين لما رزق ولد بعد عمرة ودعاء بيقول انا ما كنتش فرحان ومراتي بتبشرنى بولد انا كنت فرحان بربنا. انا كنت فرحان ان لي رب بيسمع دعائى. اربعة سيجعل لهم الرحمن ودا يا جماعة. علاقه خاصة بينه وبينه - 00:06:52

يعني ايه علاقه خاصة قبل ما نقول يعني ايه علاقه خاصة؟ عارف يعني لو واحد معه رقم المحافظ بيتصلك به مباشرة. واحد معه رقم رئيس الجمهورية بيتصلك به مباشرة. يبقى ده ايه؟ تخيل ان واحد بينه وبين ربنا - 00:07:12

اتصال مباشر. بينه وبين ربنا علاقه خاصة. تخيلوا يا جماعة اتيته هرول. عارفة لما ربنا يقول عليك انت اتيتها اهروول يا قلبك الحجر يا قلبك الحجر يا قلوبنا الحجر يا جماعة. يعني ربنا يهروول عشان واحد لانه بيحبه. حمدني عبدي. لما العبد يقول الحمد لله - 00:07:26

للله رب العالمين. ربنا يقول حمدني عبدي. هو لو واحد خادم وقال لي شكرنا اقوم لامم عيلتي واصحابي واقول لهم شوفوا ده بيقول لي شكرنا انت لما بتقولي الحمد لله ربنا يجمع الملااااعلى. ويقول لهم شوفوا امتى بتقول لي الحمد لله. شوفوا عبدي بيقول لي الحمد لله. يا قلوبنا الحجر. اللي ما بتتدوبش - 00:07:46

من هزه المعاني الجباره. ذلك بيبني وبين عبدي. مش دي الكلمة اللي ربنا بيقولها لما بتقرأ الفاتحة من قلبك بخشوع. لما اقول لك ده سر بيبني وبينك هو ممكن علاقه بين واحد وبين ربنا توصل لدرجة بيبني وبين عبدي توصل ان يبقى فيه اسرار للمحبين بيته وبين ربنا لا - 00:08:06

طلع عليها احد غيرهم فبي يسمع وبي يبصر. لما الاب يحب ابنته او ينصحه في كل حاجة عشان ما يغلطش في الدنيا ابدا. لما ربنا يحب عبد يتولاه في كل حاجة عشان ما يغلطش في الدنيا. رقم خمسة بيقى قلنا لحد دلوقتي كلمة ود. قلنا يا جماعة من افاق كلمة ود حب في قلوب الناس - 00:08:26

الدنيا كلها تحبك. تستحمى في نهر من الحب. تصحى عليه وتبات عليه جوة بيتك وبرة بيتك. رقم اتنين انس في الحياة وسط الوحشة والغرابة والخوف والمخاوف والسفر والوحدة. رقم ثلاثة فرحة. فرحة تمل حياتك وتمل قلبك. راك في كل مراحل حياتك - 00:08:46

رقم بيقى قلبك مليان فرح ربينا. قلبك فرحان. رقم اربعة علاقة خاصة بينك وبين ربنا. صلة خاصة بينك وبين الله رقم خمسة مودة في الحياة. يعني ايه مودة؟ عطاءات الله الودود بقى؟ يعني ايه مودة في الحياة؟ الود هو العطاء بحب يا جماعة. اللي ربنا هييوده هيديه - 00:09:05

ادي له عطاءات في الدين والدنيا والآخرة. في الدنيا من الكلمات اللي بتبهر الواحد لو اقسم على الله لابره. هو ممكن واحد لو اقسم على الله بقى بره زي الرجل المشلول اللي راح الكعبة وقعد على الكرسي في الكعبة وقال والله يا رب ما انا خارج الا على رجلي. والله يا رب ما انا خارج الا على - 00:09:25

بيقسم على الله. نام وهو قاعد يدعى من كتر الاجهاد في الدعاء والعبادة. سمع صوت بيقول له قم قم امشي مشي قام لقى نفسه بيمشي لو اقسم على الله لابره هييوده في الدين. لما ربنا حب مريم قال لها ان الله اصطفاك. لما ربنا حب - 00:09:45 موسى قال له انا اخترتكم. لما ربنا حب الصحابة قال له قال لهم هو اشتباكم. يعني الاشتباه والاصطفاء والاختيار. اعظم عطاءات الله للعباد بعطاءات جبارة من الله للعباد. الاجتباء والاصطفاء والاختيار تبع سيجعل لهم الرحمن ودا. ومش بس في الدنيا وفي الدين وفي الآخرة يا جماعة يا جماعة - 00:10:05

وفي الآخرة اخذين ما اتاهم ربهم. يعني ايه؟ تخيلوا جماعة اهل الجنة كلهم اتجمعوا اهل الجنة. وربنا يسلم لواحد حاجة خاصة قدام اهل الجنة كلهم. زي حفلة تكريم قدام اهل الجنة. اخذين ما اتاهم ربهم. كان ربنا بيقول للناس كلهم دول - 00:10:25 كان لهم موقع خاص عندي عن البشرية كلها. الخصوصية عند الله بس لما ربنا يعلنها قدام الدنيا كلها. ان دول اقرب ناس لي في الجنة عارفين يا جماعة لما موسى بيقول يا رب ما اعلى اهل الجنة منزلة؟ قال له يا موسى اولئك الذين اردت ده دول حبابي - 00:10:45 غرست كرامتهم بيدي بايدك يا رب بايدك تبني لنا قصور بايدك تبني لنا نعيم يا رب. لما فيه سجادة تتبع بخمس سميت جنيه. تلاقي سجادة تانية زيها بس بعشر تلاف ليه؟ يقول لك ده هاند - 00:11:04

ده بايد بس ايد صناعي. يا جماعة والله المسلح الاعلى ايد ربنا. غرزت كرامتهم بيدي. ايه النعيم العظيم ده! الحاجة السادسة الود في الآخرة الحديث اللي بيزلزل قلوبنا يا جماعة. ولا يلقي الله حبيبه في النار. ولا يلقي الله حبا - 00:11:18

في النار. الكلمة اللي تزلزل في الحديث كلمة حبيبه. حبيبة ربنا بيقول على واحد يوم القيمة ده حبيبي. ده النار مش هتمسه ولا الله حبيبه في النار. يا الرجل اللي بيطلع تسعين الف جنيه في اليوم للغريب. هيطلع ايه لحبابيه؟ ربنا اللي ملى خزائن المليارديرات - 00:11:38

وادي للملوك العروش ربنا بيديك انت ايه لو حبك. لما ربنا بيحب بيدي ايه لحبيبه. كلمة ود درس النهاردة كله حواليين كلمة ود. حواليين

فین العطاءات المتفجرة من هذه الكلمة العظيمة كلمة الود. في النهاية يا جماعة الطريق الى ود الله. طب انا عايز ده يا رب انا عايز  
انس في الحياة - 00:11:58

يا رب انا مش عايز اعيش في وحشة في الحياة المتوجحة دى. الغابة دى انا عايز فرحة. فرح قلبي بك يا رب. انا عايز علاقة خاصة  
بيبني وبينك يا رب. انا - 00:12:18

انا عايز الناس تحبني. قلوب الناس تحبني. انا عايز يا رب انا عايز عطاءات منهمرة وحبل ود مستمر. في ديني ودنيتي واحترتي يا رب  
انا عايز ابقى من اللي لو اقسموا على الله لابرهم. انا عايزك تقول علي حبيبي لن القيك يا حبيبي في النار. انا عايز ده يا رب انا عايز  
الود اعمل ايه - 00:12:28

مفاجأة يا جماعة كان متوقع ان اسم الله الودود يجي في القرآن مع الصوامين القوامين. بيجي في القرآن مع اللي موتوا نفسهم  
عشان ربنا. جه مرتين في القرآن. المرة الاولانية - 00:12:48

واستغفروا ربكم ثم توبوا اليه. ان ربى رحيم ودود. مع قوم شعيب المجرمين. والمرة الثانية وهو الغفور الودود مع اللي عزبوا  
المؤمنين وحرقوهم في صورة البروج. ازاي يا رب! الله اكبر - 00:13:01

المرتين اللي جه فيهن الودود جم مع الاستغفار استغفروا ربكم فهو و هو الغفور الودود في آآ في البروز. المرتين جم مع مذنبين.  
المرتين جم كأن ربنا فاتح لنا فاتح للمذنبين اللي زينا اعظم علاقة في الوجود. اعظم علاقة في الوجود ربنا فاتح لك بابها - 00:13:17  
ربنا فاتح لك بابها اوعوا تضيعوا الفرصة دي يا جماعة. يعني علاقة الود دي عطاءات النهاردة اللي اتكلمنا عنها دي يا جماعة. العطاءات  
المنهمرة من ود الله. دي مش للصومين القوامين بس. ده لكل تائب. لكل واحد مهمما كان عمل قبل كده بس رجع لربنا رجوع صح.  
عشان حب ربنا هتعملني ايه - 00:13:37

انا اعرف حد معين كان بيحب بنت راح لاهلها يتقدم لها يتقدم عشان يجوزوه رضوا. فضل مصمم لحد ما طلعوا مسدس. فضل  
مصمم ابوه بالنار. ضربوه بالنار جت في كليته وهو متبت. عند بيتهم نقلوه المستشفى اتشالوا كل فيها. لما لقوا ان هو شال كلی  
ومصمم عليها جوزوها - 00:13:57

ده عشان واحد بيحب واحدة. مرة كنت رايح ادي درس. فالقاعة داخل لقيتها ميتم. فبقول لهم يا جماعة مش فيه درس هنا. قالوا  
بنت عندها سبعاشر سنة بتحب شاب ابوها ما رضاش يجوزه لها انتحرت ودي الجنaza بتاعتتها. يعني في ناس عشان بتحب انتحرت  
وواحد طار له كلی ومصمم على حبيبته - 00:14:17

طب عشان حب ربنا يا جماعة عشان حب ربنا مستعددين نضحي قد ايه ؟ مستعددين نقدم لربنا ايه عشان ربنا يحبنا. عشان ربنا يقبل  
علاقة الود عشان ربنا يقول علينا ان الذين امنوا وعملوا الصالحات سيجعل لهم الرحمن ودا. نفسك في الانس في الحياة - 00:14:37  
نفسك في الفرحة وربنا يفرح قلبك. نفسك في العطاء الخاص والعلاقة الخاصة والمدد وعطاءات الله الودود في الدين والدنيا  
والآخرة. نفسك الناس كلها تحبك. نفسك ربنا يقول عليك حبيبي في الدنيا وفي الآخرة سيجعل لهم الرحمن ودا. شعار جنة نقدر  
نعيش في ظلام - 00:14:57

لو استغفرنا وتبنا وضحينا وعبدنا وقربنا وصالحتنا ربنا باكتير حاجة ربنا بيحبها وهي العبادة. اللهم اجعل لنا ودا يا رحمن. اللهم اجعل  
لنا ودا يا رحمن اللهم اجعل لنا انسا في قلوب الخلق بنا. وانسا في قلوبنا بك وحدك. وانسا في قلوبنا بك وحدك - 00:15:17

الله اجعل لنا انسا في قلوب الخلق بنا وانسا في قلوبنا بك وحدك. اللهم ارزقنا عطاوك وفتحك ومددك اللهم احي قلوبنا بمعرفتك.  
الله ابر قلوبنا بمعرفتك. اللهم اجعل رمضان هذا خير رمضان من علينا في حياتنا - 00:15:43

الله استعملنا ولا تستبدل بنا. استعملنا في الكلام عنك. استعملنا في تعريف خلوك بك. برحمتك يا ودود. برحمتك يا ودود سبحانك  
الله وبحمدك اشهد ان لا اله الا انت. استغفرك واتوب اليك. وجراكم الله خيرا. وكيف احب غير الله يوما - 00:16:03  
وليس سواه في الاكوان - 00:16:27